



## Publicaziuns dalla vischnaunca, jamna 42

### Damonda da baghegiar

**2016-1058.000**

**Datum dalla publicaziun: Ils 21 d'october 2016**

Ils patruns: Guido e Silvia Bucheli-Caduff, Via Peisel 2, 7186 Segnas

Il representant: Luigina Greco-Tarchini, Allmendstrasse 9, 8700 Küsnacht ZH  
ed Adrian Maissen, Via Ferrera 5, 7166 Trun

Object: Construcziun d'ina casa pil menaschi agricol, parcella 211, Salez, 7186 Segnas

- Ils plans da construcziun ein deponi tier l'administraziun communal.
- L'investa publica cuoza 20 dis dapi il datum dalla publicaziun.
- Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/ Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 17 d'october 2016

*Uffeci da baghegiar Disentis/Mustér*

---

### Lubientschas da baghegiar

L'istanza da baghegiar ha concediu suandontas lubientschas da baghegiar:

**Nr. 2016 – 1053.000**

Marcel Egle, Mitteldorf 6, 7427 Urmein, e Daniela Bonotto-Egle, Pro Sura 2, 7405 Rothenbrunnen;  
sanaziun dil tetg-casa, parcella 3410, Caprau, 7180 Disentis/Mustér.

Disentis/Mustér, ils 17 d'october 2016

*Uffeci da baghegiar Disentis/Mustér*

---

### Annunzia da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau suandont project:

**Nr. 2016 – 2096.000**

Ciril Manetsch, Via Lucmagn 13, 7180 Disentis/Mustér; construcziun urgenta d'ina platta da betun en connex cun la sanaziun dalla muntanera da nuorsas, parcella 53, Sut Vitg 388, 7186 Segnas.

Encunter quella decisiun san ins protestar a scret enteifer 20 dis dapi la publicaziun alla suprastonza communal.

Disentis/Mustér, ils 17 d'october 2016

*Uffeci da baghegiar Disentis/Mustér*

---

### Cussegl da vischnaunca

**Il cussegl da vischnaunca seraduna mardis, ils 25 d'october 2016, allas 19.30 en halla Cons.**

Tractandas:

1. Protocol 33-2013/2016
2. Ual Val Acletta – Via Acletta: Projects – Credit per rempar e per la correctura dalla via (messadi nr. 47-2013/2016)
3. Projects Pendicularas Mustér: Contribuziuns dalla vischnaunca (messadi nr. 48-2013/2016)



4. «Parc Adula»: Participaziun (messadi nr. 49-2013/2016)
5. Verificaziun dall'elecziun dalla suprastonza communal 2016 (messadi nr. 50-2013/2016)
6. Moziun davart plaz da pausa scola Cons (M 4-2013/2016): Prolungaziun dil termin per correspunder alla moziun
7. Ura da damondas (conform ad art. 44 dil regulativ da fatschentas)

*Il president dil cussegl da vischnaunca*

---

### **Exposiziun publica dalla Charta Parc Adula**

La Charta dil Parc Adula ei exponida naven dils 4 d'october entochen ils 25 da november 2016 en casa communal (stanza nr. 10) durant las uras da spurtegl. Ils acts d'exposiziun secumponan sco suonda:

- Capitel B: Contract dil Parc Adula per romontsch/tudestg
- Capitel C: Plan da management Parc Adula per romontsch/tudestg
- Annexas tier il plan da management Parc Adula pertudestg
- Plans
- Versiun digitala dils capetels B e C en treis lungatgs

Disentis/Mustér, ils 18 d'october 2016

*Suprastonza communal*

---

### **Baselgia claustrala s. Martin**

En connex cun la renovaziun dalla baselgia s. Martin dalla claustra da Mustér ein mesiraziuns dil tuchiez planisadas. Durant in suentermiezdi vegnan differentas cumbinaziuns da tuchiez registradas. Las mesiraziuns ein necessarias per controllar l'influenza dil tuchiez sin la statica dallas tuors.

Datum: mesjamna, ils 26-10-2016, ca. 13.00–17.30

Datum da reserva: gievgia, ils 27-10-2016, allas medemas uras. Engraziel fetg per Vossa capientscha.

*Claustra da Mustér*

---

### **Scaldaments mobils el liber**

#### **«Bulius da scaldar, radiaturs, radiaturs d'infratgietschen e.a.v.»**

Tenor art. 11, al. 2 dalla lescha cantunala d'energia en cumbinaziun cun art. 33 dall'ordinaziun cantunala d'energia ha il departament da construcziun, traffic e selvicultura dil Grischun relaschau suandonta disposiziun:

1. Per mintga apparat da scaldar mobil – gas, electricitad ed ieli – che vegn duvraus el liber per intents commercials e che ha ina prestaziun da scaldar da maximalmein 14 kW sto vegnir cumpensau 1 tonna CO<sub>2</sub>. Per apparats cun ina prestaziun da sur 14 kW e cun ina prestaziun da scaldar maximala da 28 kW sto vegnir cumpensau 2 tonnas CO<sub>2</sub> e per apparats cun ina prestaziun da scaldar maximala da sur 28 kW sto vegnir cumpensau 3 tonnas CO<sub>2</sub> e.a.v. Silmeins 20% dall'immissiun CO<sub>2</sub> sto vegnir cumpensada en Svizra. Per scaldaments en tenda valan las medemas pretensiuns sco pils scaldaments el liber.
2. Per mintga tonna che sto vegnir cumpensada sto vegnir taccau ina vignetta vid igl apparat da scaldar. Ina vignetta vala mintgamai in onn naven digl 1. Da settember entochen ils 31 d'uost.

L'obligaziun da cumprar ina vignetta exista naven dall'emprema gada ch'igl apparat da scaldar mobil vegn mess en funcziun durant la perioda da scaldar respectiva.



3. La cumpensaziun dall'immissiun da CO2 succeda entras il gestiunari ni entras la vischnaunca.
  4. Sch'ils gestiunaris cumpenseschan sez l'immissiun da CO2, vegn la vignetta concedida gratuita-mein entras la vischnaunca. La cumpensaziun sto vegnir cumprovada cun in certificat d'ina interpresa specialisada sil sector dalla cumpensaziun da CO2 (p.ex. myclimate). Per apparats da scaldar electrici po l'obligaziun da cumpensar l'immissiun da CO2 era vegnir ademplida, sch'ei vegn applicau – per mintga tonna CO2 che sto vegnir cumpensada – cumprovadamein 4500 kWh d'electricitad ch'ei vegnida producida cun energias regenerablas.
  5. Sch'ils gestiunaris cumpenseschan buca sez l'immissiun da CO2, ston els cumprar tier la vischnaunca ina vignetta per mintga tonna CO2 che sto vegnir cumpensada. Il prezi per vignetta importa 60 francs.
  6. Las vischnauncas impundan igl entir recav dalla vendita da vignettas per cumpensar l'immissiun da CO2. Igl uffeci d'energia e traffic metta a disposiziun in agid d'execuziun per las vischnauncas.
  7. Per decretar sancziuns en cass da cuntravenziuns, en special incassar multas, ein las vischnauncas responsablas (art. 36 s. LEG).
- Las vignettas san vegnir retratgas tier l'administraziun communal.

*Suprastonza communal*

---

### **UHC Desertina Bulls Disentis/Mustér**

Ils 26-10-2016 entscheiva il trenament dils Desertina Kids. Il trenament ha mintgamai liug mesjamna naven dallas 18.15–19.30 el center da sport e cultura a Mustér.  
Dapli infos ni per mail a [flavio.steger@desertinabulls.ch](mailto:flavio.steger@desertinabulls.ch)

---

### **Uniun da dunnas Mustér**

#### **Gruppa da seruschnar/termagliar**

La gruppa da seruschnar/termagliar envida tut ils affons entochen treis onns, ensemen cun lur mummas ni era babs e fargliuns, da passentar in bi suentermiezdi da cumpignia.  
Als affons vegn purschiu in ambient cumadeivel per termagliar ferton che las mummas/ils babs san sediscutar in cun l'auter. Ei vegn purschiu caffè, te ed aua.

Datum: mardis, ils 25 d'october 2016  
Temps: 14.30–16.00  
Liug: Casa da scola Segnas, local Artgin

Per ulteriur sclariment saveis Vus contactar Daniela Schmed sut 076 404 82 69

---

### **Corporaziun manteniment da vias Mompé-Medel**

#### **Lavur cumina**

#### **Venderdis, ils 21 e sonda, ils 22 d'october 2016.**

Rimnada mintgamai alla 9.00 sisum il vitg. En cass da malaura vegn la lavur cumina stuschada per in'jamna sin ils 28 e 29-10-2016. Per damondas san ins telefonar sin 081 947 55 22. A stedia participaziun selegra

*il president Placi Manetsch*



### Iniziativa «contractivas da fusiun Cadi»

Sonda, ils 22 d'october 2016 allas 9.00–11.30 vegn rimnau suttascripziuns avon il Spar per l'iniziativa dil pievel «contractivas da fusiun ella Cadi».

---

### Stalkino – Cinema Salaplauna

**Film: «Lisa va». La historia dil davos pur da Casti (CH 2016).** Mesjamna, ils 2 da november allas 20.00. «Lisa va» – la historia dil davos pur da Casti – quei ei in film niev dil reschissur Casper Nicca. Nicca deriva da quei pign vitg ella regiun Viamala. El raquenta la historia dil pur Dumeni che ha 80 onns e cala da far il pur. Co semida la veta el vitg da Casti senza purs e senza vaccas? Sunter il film fagein nus ina discussiun sur dil film e las tematicas dils vitgs purils e las midadas cul regissur Casper Nicca. Entrada libra, collecta

---

### Di dallas portas aviartas ella canorta d'affons Lumpazi

Nus selegrein d'astgar presentar nossas novas stanzas per las structuradas dil di per affons da quater meins tochen tschun onns e per affons da scoletta e scola primara. Sin vus spetga in suentermiezdi da s'informar, termagliar e mirar.

Sonda, ils 29 d'october, allas 13.00–16.00

Canorta d'affons Lumpazi, via dalla Stampa 8, 7180 Disentis/Mustér. Nus selegrein sin vossa viseta!

---

### Tag der offenen Tür in der Kita Lumpazi

Wir freuen uns, unsere neuen Räume der Tagesstrukturen für Kinder von vier Monaten bis fünf Jahren und für Kindergarten- und Schulkinder präsentieren zu dürfen. Auf Sie wartet ein Nachmittag zum Informieren, Spielen und Schauen.

Samstag, 29. Oktober, 13–16 Uhr

Kita Lumpazi, via dalla Stampa 8, 7180 Disentis/Mustér. Wir freuen uns auf Ihren Besuch!

---

### Schubergiar e rugalar apparats d'udida

Gliendisdis, ils 31 d'october 2016 saveis Vus schar schubergiar e rugalar Vies apparat d'udida:

9.15–10.30 en Casa sogn Martin a Trun

11.00–11.40 en Casa sogn Giusep a Cumpadials

13.30–15.15 el Puntreis, Center da sanadad a Mustér

Las firmas Amplifon cun dunna Roffler e Jäggi cun signur Gfeller sorprendan comunablamein quei survetsch gratuit per tuts interessents. Ei drova negina annunzia.

---